





10. 10. 10.





479.
HARANGVE
A
MONSIEVR

FRERE DV ROY.

POVR L'INVITER A LA
PAIX.



A PARIS
Chez FRANÇOIS LE PREST,
demeurant en la rue S. Nicolas du
Chardonnet.

M. DE. XXXII.
Avec Permission

1977

RECEIVED

A

Case
F

39

326

MONSIEUR

THE NEWSPAPER
LIBRARY

FOR THE YEAR 1632h

1632h

1632h

1632h

1632h

1632h



HARANGVE A MONSIEVR

*Frere du Roy, pour l'inuster
à la Paix.*

ONSEIGNEVR,

Mes Princes ont graué en eux, ie ne scay quel Image de la Diuinité, qui paroist dans l'Eclat brillant de leurs grandeurs, où se void l'échantillon de la splendeur Diuine, bien que ce ne soit qu'en gros crayons, & Dieu qui a cette Image très eminament en luy, estant la grandeur mesme a voulu estre appellé Dieu de paix, qui est vn lien, par lequel il tient tout en concorde: les Roys & les Princes entre eux mesmes, les petits dans le respect quils doiuent

A ij

aux Roys, & aux grands. Or plus vn Prince se porte dans la paix, & plus il s'auoisine de la Diuinité, & en fait paroistre de plus vifs rayōs: plus il fait reconoistre en luy l'image de ce grand Dieu, tout bon, & tout pacifique: mais si tost qu'il s'en écarte, il ternit cette belle image, & degene de la grâdeur en laquelle Dieu la mis, puis qu'il est Dieu de paix & d'amour. Il me sēble que ce Philosophe auoit fort bōne grace, lors qu'il voulut qu'au milieu de ses disciples, fust esleuēe la statuē de Cupidon, pour les maintenir en amour; pleust à Dieu que cette mesme statuē, parust en tous les coins de la France si haut esleuēe, qu'il ny eust ny grand ny petit qui ne la vist de fort loing, pour nourrir les grāds en toute cōcorde, puis que l'amour est le lien de paix, & au contraire la diuision la source de toute ruine.

Monseigneur quelque soufle

mauvais à porte dans vos oreilles,
des bruits qui ont engendré des opi-
nions sinistres, qui vous portent à
rechercher plustost vn estranger que
la personne Sacrée de sa Majesté
toute trionfante, toute la France
s'en estonne vous voyant courtoiser
des Princes estrangers qui ne sont
pas plus que vous, & vous retirer de
sa Majesté Royale qui n'a point de
pair, & que Dieu & la nature vous
ont donné pour Frere, qui est le plus
bel éclat que puissiez auoir, puis
que dans l'Italie la grandeur de ses
Armes a fait la loy à ceux que vous
recherchez, & a tout ce qui s'est
voulu opposer à luy: & maintenant
dans les termes ou sont les affaires
sa Majesté a appris à ceux qui ont
voulu prendre part dans vos inte-
rests, quelle sçait bien tenir en bri-
de ceux qui veullent sortir des limi-
tes de leur deuoir, & faire la loy
à ceux qui voudroient se mettre en

disposition de choquer son autorité.

On vous veut persuader que vos forces sont plus grandes qu'elles ne paroistront: car tous les gens de bien ne voyent (qu'avec regret) vostre main armée; & s'en retireront le plus qu'ils pourront, & ainsi vous ne pourrez faire ce que vous desirez: puis que la Majesté a mis bas ce party si fort de la Religion pretendue reformée, qui estoit dans son Royaume, auantagé de si bonnes places. Quoy pensez vous que son bras soit moins puissant qu'alors? & qu'il epargne vostre party qui ne fait que de naistre; qui n'a rié que la campagne, & dans sa foiblesse ne peut faire autre chose que ruiner le pays que vous deüriez vous mesme conseruer.

Toute la France est auiourdhuy comme estoient les Atheniës, lors qu'ils virent Minerue & Neptune,

debatre ensemble: Neptune pour
marque de son pouuoir, fist naistre
vn cheual, qui espouuenta tellement
tout ce peuple, qu'il ne le pouuoit
estre dauantage: mais si tost qu'ils
virent Minerue leur presenter vn
rameau d'Oliue, ils relentirent vn
tel contentement par ce bon augu-
re, qu'il en furent grandement res-
jouis. Toute la France iette mainte-
nant les yeux sur ce que vous fait-
tes, mais vous voyant à cheual, en-
trer dans la France, non cōme amy,
ains avec main armée, laissant ra-
uager tout par ceux de vostre suite
elle demeure dans vn estonnement
extremement grand, & sent refroi-
dir cette affection quelle vous por-
toit, lors quelle vous voyoit pres de
sa Maiesté dans l'amour que Dieu
vous oblige de luy porter. Changez,
changez. Monseigneur, tout cet
appareil de guerre en vne branche
d'oliue symbole de la paix, ainsi que

cette minceue Athenienne : portez vous y, puis que c'est ce que toute la Frâce souhaite le plus, ce qu'aujourd'hui elle vous demande, c'est apres cette paix quelle souspire : tous les iours charge le ciel de vœux & de prieres pour ce suiet, afin d'impetrer de Dieu cette vnion tant desirée, de vous voir pres de sa Maiesté dans vne bonne intelligence avec elle.

Fort a propos Miltiades faisoit beaucoup plus de gloire d'estre couronné d'une branche d'oliue, apres qu'il vit la paix en sa patrie : que si on luy eust présenté les plus beaux Diademes, que le courage d'un cœur genereux pourroit acquerir au prix de sa valeur, voyant avec cela la ruine de son païs.

Non, non Monseigneur, vostre autorité est trop petite pour choquer celle de sa Maiesté, elle est trop victorieuse trop redoutée. C'est
de tout

de tout temps que les Roys se sont
gouvernez par conseil, & plus ils
l'ont suivi, plus glorieux en a esté
leur estat. La sage cōduite de son
Cōseil preuiendra facilement tout
ce qui pourroit arriuer. Monsieur
le Cardinal qui en est le Chef, sçau-
ra bien faire dissiper vos mauuais
conseils, aussi bien quil a fait venir a
rien ceux de tous les Estrangers,
pour faire regner sa Maiesté dans
la splendeur qui la rend espouuan-
table parmy toutes Natiōs. Et n'est
pas nouueau qu'un Cardinal aye
fait de semblables merueilles. Oso-
rius nous raporte d'un Cardinal
d'Esse, qui (du temps que les Empe-
reurs firent tant la guerre contre la
France, pour Milan & le Milanois)
conduisoit toute l'armée Imperial-
le en ce qui estoit de l'ordre, & par
ses inuentions donna bien de la pei-
ne à toute la France. Du temps de
François premier ny a-il pas eu le

Cardinal d'Amboise? qui gouuernoit tout dans l'entreprise que faisoit le Roy en Italie, & n'eust esté l'ambition qu'il auoit d'estre Pape, Le Roy n'eust iamais receu le de-bris qu'il fit lors. Monsieur le Cardinal est hors de tous ces soubçons, n'ayant autre but que la grandeur de la Maïesté ne se souciant d'acquiescer l'inimitié de ceux qui se portent dans le trouble, ou qui ne peuuent voir l'augmentatiō de la grandeur Royale, il est cōrent pourueu qu'il voye sa Maïesté dans la gloire, porter l'effroy par tout ce qui se presente deuant elle, & la faire rechercher par les Roys & Princes ses voisins, bien ayés d'estre dans son alliance crainte de s'en trouuer mal faisant autrement.

Monseigneur ceste separatiō, cette des-vnion d'auec sa Maïesté, oste tout vostre contentement & ternit la gloire qui vous est deüe, lors

que ferez proche de sa M. bien vny
auec elle, qui est toutte bonne : &
ce que dit Senecque de Cesar, nous
le pouuons dire à plus iuste titre
d'elle mesme, que qui ne s'en veut
aprocher ignore sa bôté, & qui s'e
aproche trouue tout ce qu'il pou-
roit desirer.

Mais qu'and ie me remest en me-
moire ce qui est cotté en l'histoire
de Louis XI, me semble que i'en
vois a present quelque representa-
tiō au naïf : car en l'an 1464. quel-
ques Seigneurs mal cōtents, firent
secretemēt emmener en Bretaigne
Charles frere du Roy Louys luy
donnant à entēdre que le Roy son
frere le mesprisoit, & ne luy donoit
pas ce que sa grandeur requeroit;
de la vint cette bataille de Mont-
lehery, & beaucoup de guerres &
troubles en la France : mais apres
tout, considerant que sans le Roy
son frere, il n'auoit que peine la gra-

leur paroissant peu : il ce remit en
 amitié avec le Roy, qui luy donna
 toutes sortes d'honneurs & mesme
 plus qu'il ne demandoit : & reconut
 vray ce que dit Sotion, que celuy
 qui quitte son frere pour chercher
 ailleurs de bons amys, est sembla-
 ble à vn qui prend le champ d'vn
 autre pour le cultiver & laisse le si-
 en propre en friche. Dans cette
 cour, d'ans ce Paris-monde vous
 paroistriez bien plus, que dans
 l'effroy du cliquetis de Mars, &
 trouueriez là des contentements
 tous autres que ceux de la guerre. Et
 à vray dire, ou pourriez vous M^oseig.
 trouuer ce que desirez qu'aupres de
 sa M. ? quelle grandeur quel respect
 pouuez vous esperer autre que ce-
 luy que vous prandrez pres d'elle ?
 qui ne desire autre chose que de
 vous voir en sa Cour, pour vous
 departir ses Royales grâces. Il
 ne faut plus esperer en l'Estranger

(qui abaye apres la diuision,) car
il faut qu'il ploye ses bras, & voye
la grandeur de sa M. croistre de
iour à autre a son grand dommage
mais au contentement & a la gloi-
re de tous les bons François.

Vn iour Hierocles pour inuiter
quelques Princes de son tēps à vne
bonne vniō, leur proposa l'exem-
ple de l'vniō qui est entre les par-
ties du corps, cōme les yeux, l'Es-
prit & les mains, disant que si ces
parties iointes ensemble elles ne
concuroient toutes à vn mesme
effet, qu'il s'en ensuiuroit prom-
ptement la dissolution entiere du
tout : ainsi estant separé de sa M.
que pouuez vous esperer que ruine,
les apparences ne vous doiuent
porter que trop d'ans la conoissan-
ce de ce mal. Mais comme il fut dit
à Cambyses le plus beau bouclier
d'un Royaume c'est l'vniō, la con-
corde. Monseigneur c'est en la me-

dition de cette reunion avec la
M. que toute la France vous inuite
maintenant, cest la ou elle vous
prie d'arester vostre consideration
pour voir cette tant desirée Paix,
puis que c'est elle qui amaine tous
biens: c'est elle qui fait fructifier les
champs, reuerdir les campagnes,
embellir les villes, par la splendeur
de la Iustice & le commerce de tous
Estats: bref elle remet la ioye aux
cœurs, au lieu de la tristesse causée
par tant de calamitez.

D'ans la vie de Pyrrhus, il se lit,
qu'un certain Philemon estant in-
terogé; quel estoit le plus grand
biē & le plus souhaitable: apres que
plusieurs Philosophes eurent parlé
la dessus dit ô Iupiter Apotrope:
tu sçais que c'est la Paix; car par elle
toutes sortes de biens se voyent, &
sans elle ces mesmes biens deffai-
llent: par elle toute chose se voit
en splendeur, mais sās elle tout n'est

que de folation. Aussi I E S V S-Christ
n'aissant, ne nous voulut donner
autre chose que la Paix, nous
venans aporter nostre reconcilia-
tion, & avec elle le comble de tou-
tes benedictions cette mesme Paix
vous est inspirée par luy, affin que
par vostre reünion avec sa M. nous
resentions les doux effets de cette
Paix dans l'abondāce de tous biens
& qui penetrant iusques d'ans nos
Esprits nous face gouster l'Interi-
eure, qui sera les arres de celle
qui nous attend au Ciel, entre les
bras de nostre vnique Mediateur.

FIN.

